

Akunnittarfinnut il.il., paaqqutarisarialinnut sullissivinnut, ininut katersuuttarfinnut, ininut ilinniartitsivinnut, ulluunerani paaqqinnittarfinnut pisiniarfinnullu ingerlatsinissamut peqqussutit

1. Atuuffii

- 1.1. Piffissaq atuilerfiusoq apeqqutaatinnagu peqqussutit ukununga atuutissapput: Akunnittarfiit il.il. sinittarfeqarfillit, qulit sinnerlugit siniffissallit. Paaqqutarisarialinnut sullissiviit sinittarfeqarfillit, qulit sinnerlugit siniffissallit. Katersuuttarfeqarfiit, inunnt 150-it sinnerlugit atugassiat. Ilinniartitsiveqarfiit, inunnt 150-it sinnerlugit atugassiat. Ulluunerani paaqqinnittarfeqarfiit, inunnt 50-it sinnerlugit atugassiat imaluunniit qulit sinnerlugit siniffissallit. Pisiniarfiit, inunnt 150-it sinnerlugit atugassiat.

2. Nassuiaassutit

- 2.1. *Akunnittarfiit il.il.:* Akunnittarfiit, imerniartarfiit, pensionatit, inissiisarfiit, inuusuttunut inissiat, ilinniartunut inissiat, ineqarfiutigalugu atuarfiit, aallaarsimaartarfiit, sulinngiffeqarnermi angerlarsimaffiit suliffeqarfiillu allat assingusut sinittarfeqarfillit.
- 2.2. *Sinittarfeqarfiit:* Ini sinittarfik ataaseq amerlanerusulluunniit torsuusallit, ilanngullugit aqutit qimaaffissiat, pequsiviit inillu allat ininut sinittarfinnut pineqartunut toqqaannartumik attuumassutillit. Sinittarfeqarfiit marluk amerlanerusulluunniit ataatsimoorussanik qimaaffissianik aqquutilit peqqussutini ukunani aalajangersakkanik atuinermi sinittarfeqarfittut ataasiinnartut isigineqassapput.
- 2.3. *Paaqqutarisarialinnut sullissiviit:* Inissiat paaqqutarinnittarfiit, angerlarsimaffiit paaqqutarinnittarfiit, napparsimmaviit, utoqqarnut inissiat aammalu inunnt paaqqutarisarialinnut sullissiviit sinittarfeqarfittallit.
- 2.4. *Aalajangersimasumik pigaartoqartarneq:* Sinittarfeqarfinni pigaartut inaat ulloq unnuarlu inuttaqartinneqartut, annerpaamik 50 m-inik atitussusilimmik torsuusaqarlutik quleriirusaannngitsut.
- 2.5. *Init katersuuttarfiit:* Inersuit isiginnaartitsisarfiit, inersuit filmertitsisarfiit, init neriniartarfiit, init nalliuttorsiortarfiit, init ataatsimiittarfiit, inersuit tusarnaarsitsisarfiit, init saqqummersitsisarfiit, inersuit nuisitsisarfiit, timersortarfiit, oqaluffinni init inillu allat siunertanut assingusunut atorneqartut.
- 2.6. *Init katersuuttarfeqarfiit:* Ini katersuuttarfik ataaseq amerlanerusulluunniit torsuusallit, ilanngullugit aqutit qimaaffissiat, torsuusat ilorliit, igaffiit, pequsiviit inillu allat ininut sinittarfinnut pineqartunut toqqaannartumik attuumassutillit. Init katersuuttarfeqarfiit marluk amerlanerusulluunniit ataatsimoorussanik

- qimaaffissianik aqputillit peqqussutini ukunani aalajangersakkanik atuinermi initut katersuuffissiatut ataasiinnartut isigineqassapput.
- 2.7. *Init ilinniartitsiviit:* Init ilinniartitsinissamik siunertaqarluni atorneqartut, kiisalu init ilinniartitsinermut pisariaqartut imaluunniit toqqaannartumik attuumassuteqartut, soorlu init atuakkanik atorniartarfiit, nerisarfiit, ataatsimoorluni suleqatigiittarfiit, immikkut ilinniartitsiviit eqaarsaartarfiillu.
- 2.8. *Init ilinniartitsiveqarfiit:* Ini ilinniartitsivik ataaseq amerlanerusulluunniit torsuusallit, ilanngullugit aqputit qimaaffissiat, torsuusat ilorliit, igaffiit, pequusiviit inillu allat ininut ilinniartitsivinnut pineqartunut toqqaannartumik attuumassutillit. Init ilinniartitsiviit marluk amerlanerusulluunniit ataatsimoorussanik qimaaffissianik aqputillit peqqussutini ukunani aalajangersakkanik atuinermi initut ilinniartitsivittut ataasiinnartut isigineqassapput.
- 2.9. *Ulluunerani paaqqinnittarfiit:* Meeraaqqeriviit, meeqqeriviit, sunngiffimmi paaqqinnittarfiit, ulluunerani sammisaqartitsiviit, atuannngiffimmi aaqquissuussinerit aamma paaqqinnittarfiit allat assingusunik siunertaqarfiusut.
- 2.10. *Ulluunerani paaqqinnittarfeqarfiit:* Isersimaartarfik ataaseq amerlanerusulluunniit torsuusallit, ilanngullugit aqputit qimaaffissiat, igaffiit, pequusiviit inillu allat ininut ilinniartitsivinnut pineqartunut toqqaannartumik attuumassutillit. Init paaqqinnittarfeqarfiit marluk amerlanerusulluunniit ataatsimoorussanik qimaaffissianik aqputillit peqqussutini ukunani aalajangersakkanik atuinermi initut paaqqinnittarfiittut ataasiinnartut isigineqassapput.
- 2.11. *Ulluunerani paaqqinnittarfinni init isersimaartarfiit:* Init sinittarfiit, qasuersaartarfiit, pinnguartarfiit, sammisaqartitsiviit, nerisarfiit assigisaallu.
- 2.12. *Pisiniarfiit:* Init tuniniaasarfiit torsuusallit, ilanngullugit aqputit qimaaffissiat, init sullissiviit inillu pisinianut atorneqartut.
- 2.13. *Init tuniniaaviit:* Init ulluinnarni atugassanik pisiniarfiit qanoq ittulluunniit, kiisalu init tuniniaaviit allat taamatut ilusilerneqartut atorneqartullu. Init tuniniaaviit marluk amerlanerusulluunniit ataatsimoorussanik qimaaffissianik aqputillit peqqussutini ukunani aalajangersakkanik atuinermi initut tuniniaavittut ataasiinnartut isigineqassapput.
- 2.14. *Aqputit qimaaffissiat qaammaqqusersugaanerit:* Aniffissiat allagartaat qaammaqqusikkat qamittoornermilu qaammaqqutit, inini atorneqartuni aqputit qimaaffissiat immikkoortinneqarsinnaaneritut isumannaatsumillu atorneqarsinnaaneritut ersarissumik immikkoortitsisinnaanissamik qulakkeerinnittut.
- 2.15. *Aniffissiat allagartaat qaammaqqusikkat:* Aqputit qimaaffissiat allagartaat qaammaqqusikkat, qinngorfigitit imaluunniit taartumi qaammartartut (namminneerlutik qaamasut).
- 2.16. *Qamittoornermi qaammaqqutit:* Qaammaqqutit innaallagissamik pilersuinerup nalinginnaasup qamittoornerani ikittartut, aammalu inunnut aqqummut qimaaffissiamut apuunnissamut periarfissiiffiusut.

3. Nalinginnaasumik

- 3.1. Ingerlatsinikkut peqqussutit malinneqarnissaat piginnittup, atuisup taassumaluunniit ingerlatsinermi akisussaasussatut toqqagaata isumagissavaa. Ingerlatsinermi akisussaasussamik toqqaanermi piginnittumut imaluunniit atuisumut peqqussummi pisussaaffiliussat atorunnaassanngillat.
- 3.2. Matut ikuallattoornermi namminneerlutik matusartut, ikuallattoornermi kalerrisaarutit namminneerlutik aallartartut, qatserutit tissaluttut namminneerlutik aallartartut aammalu ikuallattoornermi milluaatit atortui illup piunera tamakkerlugu tutsuiginartuutinniarlugit misissorneqartassapput aserfallatsaaliorneqassallutillu.
- 3.3. Isumannaallisaanermut allagartat Sullivinnik Nakkutilliisut isumannaallisaanermut allagartalersuisarnermut allatullu nalunaaruteqartarnermut aalajangersagai malillugit suliarineqarsimassapput.
- 3.4. Suliffeqarfiit akunnittarfittut il.il. ilusiligaanngitsut kommunalbestyrelsip pisunut ataasiakkaanut akuersissuteqarnerata kingorna ullut qulit tikillugit unnuisarfiugallartutut atorneqarsinnaapput.

4. Sulisunik ilitersuisarnej.

- 4.1. Sulisut torersaarnissamut maleruagassanik kiisalu aqqutinut qimaaffissianut maleruagassanik, qatserutinik matunillu ikuallattoornermi matusartunik ilitersuulluarneqassapput. Sulisut aamma ikuallattoornermi matunik matooraanissamut ilitersuunneqassapput, tak. imm. 8.4.
- 4.2. Sumiiffinni sulisut nalinginnaasumik najortagaanni aammalu kalerrisaaruteqarfinni ikuallattoornissamut qimarngussinissamullu ilitersuutinik nivinngaasoqassaaq, taakkulu makku pillugit paasissutissanik imaqaassapput:
 - Kalerrisaarineq
 - annaassiniarnissamut upalungaarsimasut kalerrinneqassapput
 - ikuallattoornermi toortagaq toorneqassaaq
 - Inunnik kalerrineq
 - sulisut kalerrinneqassapput
 - inuit allat kalerrinneqassapput
 - Qimarngussineq
 - sulisut aqqutinik qimaaffissianik ilitersuussissapput
 - Qatserineq
 - qatserutit atorneqarnissaat

Pissutsit immikkut ittut, tassungalu ilanngullugu qanoq iliornissaq pillugu ilisimatitsineq

 - nipilersuutit qanoq unitsinneqassanersut
 - pujuliutit qanoq unitsinneqassanersut
 - qulliit nalinginnaasut qanoq ikinneqassanersut

Sulisunik nutaanik atorfinitsitsinermit tamatumalu kingorna minnerpaamik ukiumut ataasiarluni ikuallattoornermut qimarngussinermullu ilitsersuutit imarisaat pillugit ilitsersuisoqartassaaq, tassungalu sulisut suliassat pisussaaffigisassaat ilaapput.

- 4.3. Sulisut ikuallattoornissamik pinaveersaartitsinermit torersaarnissamut maleruagassiuunneqassapput. Torersaarnermi maleruagassat ukiumut minnerpaamik ataasiarluni sulisut ilagalugit eqqartorneqartassapput.

5. Torersaarnissamut maleruagassat

- 5.1. Matorsuit, aqutissat nunaminertallu annaassiniarfiusussat annaassiniarnissamut upalungaarsimasut annaassiniarnerannut qatserinerannullu pisariaqartut isumannaatsuussapput.
- 5.2. Ammanerit annaassiniarfiusussat illup iluaniit matuersaammik sakkumilluunniit immikkut ittumik atuinani ammarneqarsinnaassapput. Ammanerit assersimaneqassanngillat, aammalu inunnit ininiittunit akornuserneqarani tikinneqarsinnaassallutik.
- 5.3. Teknikkeqarfik (ini silaannarissaatinut, innaallagissamut tavlenut il.il. atorneqartoq) ipiitsuutinneqassaaq, aammalu kommunalbestyrelsimit (annaassiniarnermut upalungaarsimasunit) tamatumunnga akuersissummik peqqaarani pequtinik, nioqutissanik assigisaannillu inissiinermit atorneqaqqusaanngilaq.

6. Aqutit qimaaffissiat.

- 6.1. Aqutit qimaaffissiat (torsuusat, majuartarfiit, illup eqqaat il.il.) assersimaneqassanngillat, aammalu silissusertik tamakkerlugu torersuutinneqassapput qaammaqquteqartinneqassallutillu, taamaalillunilu taakkunani angalanissaq isumannaatsuutinneqassalluni. Aqqutinut qimaaffissianut pequtinik atortunilluunniit qanorluunniit ittunik inissiisoqassanngilaq. Taamaattorli torsuusat illullu eqqaasa il.il., kisiannili majuartarfiit pinnatik, angallaffigineqarnermik saniatigut siunertanut allanut atorneqarsinnaanerat kommunalbestyrelsimit (annaassiniarnermut upalungaarsimasunit) akuerineqarsinnaavoq, tassani
- 1) tamatumani ikuallattoornissamut ulorianartorsiorneq annertuumik annertusitinneqassanngippat
 - 2) sumiiffiup aqqutitut qimaaffissiatut atorneqarsinnaanera annikillisinneqassanngippat,
 - 3) piffissami ilusilersuiffiusumi aqutit qimaaffissiat silissusissaanut minnerpaaffissatut aalajangersarneqartut annikillisinneqassanngippata,
 - 4) pequtit aalaakkaasuunngitsut assigisaallu sumiiffimmut angallavissarpiap avataaniittumut inissititerneqarpata, aamma
 - 5) tamanna suliffeqarfiup iluani aaqquissuussineq il.il. pillugu Kalaallit Nunaannut Nalunaarummut naapertuuppat.

- 6.2. Matut qimaaffissiat silataannut qamutininik motoorilinnik, qamuterallannik, sikkilinnik aneerussivinnillu, imaluunniit ilioqqakkanik assigisaannillu, qimarngussinissamat akornutaasinnaasunik uninngatitsisoqassanngilaq. Silammut aqqutit qimaaffissiat isumannaatsumik angallavigineqarsinnaasunngorlugit aaqqinneqarnissaat qulakkeerneqassaaq.
- 6.3. Aqqutinut qimaaffissianut matut qimaanermi sammiviup tungaaniit matuersaateqarani imaluunniit immikkut ittumik sakkoqarani aqqutigineqarsinnaassapput. Aqqutit qimaaffissiat inini piginnittup, atuisup imaluunniit ingerlatsinermi akisussaasup akuerisaanik inunnit najorneqarsinnaasunit aqqutigineqarsinnaassapput. Aqqutini qimaaffissiani matut allat aamma atortut ajornanngitsumik ammaassutaasinnaasut (tigummiviit, qipisartut, qajannaqqutit (pasquillbeslag) il.il.), natermiit anguneqarsinnaasumik portussusillit atorlugit ammarneqarsinnaassapput. Matutaliussami ataatsimi ammaassutaasussaq annerpaamik ataasiussaaq.
- 6.4. Kommunalbestyrelsip (annaassiniarnissamat upalungaarsimasut) aqqummut qimaaffissiamut matunik ulluinnarni atorneqanngitsunik, aqqutitut qimaaffissiatut nalunaaqutsikkamik, imm. 3.3. naapertorlugu suliarineqarsimasumik peqartoqarnissaa piumasarisinnaavaa.
- 6.5. Matut ikuallattoornermut matutut atorneqanngitsut imaluunniit matutut putsumik pitarneqarsinnaanngitsutut atorneqanngitsut, matut taakku nukissiuutip (innaallagissap, silaannarmik naqitsissutip) atorunnaarnerani namminneerlutik ammartartunngorlugit ammaannartussanngorlugillu suliarineqarsimappata aammalu taaneqartut assingininik piginnaaneqartumik matut ajornartoornermi ammaassutaasussamik nalunaaqutsikkamik pilerneqarsimappata, matutut illersittakkatut suliarineqarsinnaapput.
- 6.6. Aqqutinut qimaaffissianut matut iigaasamik assigisaanilluunniit asserneqassanngillat, imaluunniit pequtinik nioqqutissanillu qaleriinnik asserneqassanngillat, taamatullu aqqutinut qimaaffissianut qaammaqqutit matullu allagartaat tamatigut ersaritsinneqassapput.
- 6.7. Aqqutini qimaaffissiani iikkat qalliutaat ikuallattoornissaq eqqarsaatigalugu, soorlu pladenik qisunnik imaluunniit atortunik ikuallajasunik allanik qallerlugit ajorseriartinneqassanngillat. Kisiannili atortut ikuallajasut aqqutit qimaaffissiat iigaanni pinnersaatitut killilimmik atorneqarsinnaanerit kommunalbestyrelsip (annaassiniarnissamat upalungaarsimasut) akuerisinnaavaat.
- 6.8. Tillinniartoqarnissaanut illersuutitut kalerrisaarutit immikkut ittut, aallartinneqarnerminni pujuliortartut assigisaanilluunniit piginnaanillit, taamaalillunilu aqqutit sumiiffiillu qimaaffissiat isumannaatsumik angallavigineqarsinnaajunnaarnerinik kinguneqartartut sumiiffiit unioqqutitsiviunngitsumik atorneqarnerini aallarsinnaassanngillat.

7. Qatserutit.

- 7.1 Qatserutit ersarissumut tikikkuminartunngorlugillu inissinneqassapput. Qatserutit inissinneqarnerini aqputit qimaaffissiat silissusaat imaqanngitsoq annikillisinneqassanngilaq imaluunniit aqputit qimaaffissiat atorneqarnerinut allatut akornusiissanngillat. Qatserutit pingaartumik sumiiffiit anisariaasa eqqaannut inissinneqassapput. Inissiiffiusut imm. 3.3 naapertorlugu suliarineqartunik allagartalerlugit nalunaaqutserneqassapput.
- 7.2 Sumiiffinni slanginik imusanik imermik immikkanik pilersugaanngitsuni assammik tissaluttaatinik imaluunniit naqitsineq atorlugu imermik qatserutunik inissiisoqassaaq.
- 7.3 Qatserutit assammik tissaluttaatit imaluunniit naqitsineq atorlugu imermik qatserutit, imm. 7.2-mi taaneqartut inissinneqarnerini sumiiffimmiit qatserutinut qaninnermut ungasissusissaq annerpaamik 25 m-iussaaq.
- 7.4 Igaffinni qatserutunik tigummiartakkanik naleqquttunik, tak. imm. 7.6, minnerpaamik ataatsimik, pingaartumik matup aniffissap eqqaanut inissiisoqassaaq. Kiisalu igaffinni, iganik friture atorlugu siatsivittalinnik tippimik qatserutunik sumiiffimmut aniffissap eqqaanut inissiisoqassaaq. Atuarfiit igaffiini, fysik-imut aamma kemi-mut ilinniarititsivinni ininilu allanik taamatut ikummartitsisinnaanermik suliaqarfiusuni kommunalbestyrelsip (annaassiniarnissamat upalungaarsimasut) innersuussutaat malillugit qatserutunik tigummiartakkanik inissiisoqassaaq, tak. 7.6.
- 7.5 Sannavinni ininilu sullissivinni allani taakkuluunniit eqqaanni qatserutunik tissalutsittakkanik tigummiartakkanik imaluunniit qatserutunik tigummiartakkanik, tak. imm. 7.6., inissiisoqarnissaa kommunalbestyrelsip (annaassiniarnissamat upalungaarsimasut) piumasarisinnaavaa.
- 7.6 Qatserutit tigummiartakkat atortut naqitsinermik atuiffiusut ilusilersorneqartarnerat pillugu Sullivinni Nakkutilliisut nalunaarutaat nr. 743, 23. september 1999-imeersoq naapertorlugu ilusilerneqarsimassapput.
- Qatserutini tigummiartakkani qamitsisinnaaneq eqqarsaatigalugu EN 3-mi piumasaqaatit naammassineqarsimassapput, taamaattorli
- Qatserutit kulsyre-tallit minnerpaamik 55 B-ussallutik.
 - Qatserutit pannakaassiaasanik imallit minnerpaamik 89 B-ussallutik.
 - Qatserutit imermik naqitsinilimmik atuiffiusut minnerpaamik 13 A-jussallutik.
- Taamaattorli qatserutit tigummiartakkat inatsisit malillugit atorneqartut, kiisalu DS 2120-mi piumasaqaatinik naammassinniffiusut, imaluunniit qamitsisinnaanerat eqqarsaatigalugu assingusumik akuerisaasunik pitsaassuseqartut atorneqaannarsinnaapput, taamaattorli
- Qatserutit kulsyre-mik qapuliortut qajuusaasallu minnerpaamik 6 kg-nik oqimaassuseqassallutik.
 - Qatserutit imermik naqitsinilimmik atuiffiusut minnerpaamik 10 literiussallutik.
 - Qatserutit kulsyre-mik qapuliortut minnerpaamik 55 B-ussallutik.
 - Qatserutit pannakaassiaasanik imallit minnerpaamik 89B-iussallutik.
- Slangit imusat imermik imallit EN 671-1 malillugu suliarineqarsimassapput.

- 7.7 Qatserutit tigummiartakkat imm. 7.6-imi taaneqartut DS 2320-mi piumasqaatinut naapertuuttumik misissorneqartassapput aserfallatsaaliorneqassallutillu. Nakkutilliineq inummit suliamik ilisimasqaartumit, suliassamut tunngatillugu suliassanik paasisimaarinnittumit, tassungalu ilanngullugu qatserutit tigummiartakkat ilusiligaanerinit, atorsinnaanerinit atorneqartarnerinillu ilisimasalimmit ingerlanneqassaaq. Qatserutit tigummiartakkat ukiumut minnerpaamik ataasiarluni misissorneqartassapput, aammalu nakkutilliinermik allagartamik, nakkutilliinermik isumaginnittuusup atsiugaanik nalunaaqutserneqassallutik. Kingullermik nakkutilliinerup ingerlanneqarnerata ukua qaammataalu allagartami takuneqarsinnaassaaq.
- Qatserutit tissaluttartut tigummiartakkat ikuallattoornermut teknikkimut ilitsersuut nr. 6, Dansk Brandteknisk Institut-ip (maanna Dansk Brand- og sikringsteknisk Institut-ip) saqqummersitaa naapertorlugu misissorneqartassapput aserfallatsaaliorneqassallutillu.
- Slangit imusat imermik imallit, EN 671-1 naapertorlugu suliarineqartut EN 671-3-mi piumasqaatit naapertorlugit misissorneqartassapput aserfallatsaaliorneqassallutillu. Slangit imusat imermik imallit EN 671-1-imi piumasqaatinik naammassinniffiunngitsut, kisiannili inatsisit malillugit atorneqalersimasut misissorneqarnerini aserfallatsaaliorneqarnerinilu slangit imusat illup piunera tamakkerlugu tutsuiginartuunissaat qulakkeerneqassaaq.

8. Matut ikuallattoornermi matusartut il.il.

- 8.1 Torsuusat majuartarfiillu akornanni matut aamma matut namminneerlutik matusartut tamarmik ammatiinnarneqassanngillat, taamaattorli tak. 8.2.
- Matut namminneerlutik matusaataat peerneqassanngillat imaluunniit atorunnaarsinneqassanngillat.
- 8.2 Matut namminneerlutik matusartut ikuallattoornermi namminneerlutik matusaatinik (ABDL-anlæg), peqqussut 231, Dansk Brandteknisk Institut-imit (maanna Dansk Brand- og sikringsteknisk Institut-imit) saqqummiunneqartoq, imaluunniit piffissami ikkussuiffiusumi pitsaassusissatut taaneqartup assinga akuerineqartoq naapertorlugu pilerneqarsimagunik, imm. 8.1-imi aalajangersakkat apeqqaatinnagit ammatiinnarneqassapput.
- 8.3 Ikuallattoornissamut misissuinermi matu nammineeirluni matusartuq imm. 8.1-imi aalajangersakkat uniorlugit ammatiinnarneqartoq paasineqarpat, matut pineqartut imm. 8.2-mi allassimasutut ilusilerneqarnissaat kommunalbestyrelsi (annaassiniarnissamut upalungaarsimasut) piumasarisinnaavaa.
- 8.4 Matut namminneerlutik matusartuunngitsut (soorlu EI2 30 imaluunniit matut BD 30-M-it) ajornartinnagu ikuallattoqarnerani matoqqatinneqassapput. Sulisut tamanna pillugu ilisimatinneqarsimassapput.
- 8.5 Ikuallattoornermi matut matorsuillu, allagartamik ”IKUALLATTOORNERMI MATU – MATOQQATINNEQASSAAQ”, imm. 3.3 naapertorlugu suliarineqartunik

allagartalerneqarnissaat kommunalbestyrelsip (annaassiniarnissamut upalungaarsimasut) piumasarisinnaavaa.

9. Aqqutinut qimaaffissianut qaammaqqutit.

- 9.1 Sumiiffinni aqqutini qimaaffissiani qaammaqqusersuiffiusuni minnerpaamik inuk ataaseq, aqqutit qimaaffissiat qaammaqqutaanik suliaqarnissamik, misileraanissamik aserfallatsaaliuinissamillu ilitsersorneqarsimasumik atorfeqartitsisoqassaaq. Inini katersuuttarfinni pisiniarfinnilu piffissami atuiffiusumi minnerpaamik inuk ataaseq, aqqutit qimaaffissiat qaammaqqutaannik suliaqarnissamut ilitsersorneqarsimasooq najuutissaaq.
- 9.2 Aqqutit qimaaffissiat qaammaqqutaasa passunnissaannut tavlet (akkumulatorit, generatorit il.il.) eqqaanni ilitsersuutinik, aqqutit qimaaffissiat qaammaqqutaasa passunnissaannut, misilerarnissaannut aserfallatsaaliorneqarnissaannullu paasissutissanik paasiuminartunik imalinnik nivinngaasoqassaaq.
- 9.3 Anisarfiit allagartaat qaammaqqusikkat tamatigut ersarissumiitinneqassapput.
- 9.4 Sumiiffiit atorneqarnerini illup iluani anisarfiit allagartaasa qaammaqqutaat aammalu silami allagartat qaammaqqutaat ikumatinneqassapput, kiisalu allagartat qinngorneqarnerminni akisuguttartut qaammarsimatinneqassallutik.
- 9.5 Aqqutinulli qimaaffissianut tunngatillugu ulluunerani qaamaneq naammattutut naliliiffigineqarpat, taarsineranilu aniffissat allagartaat namminneerlutik ikittarpata, kommunalbestyrelsip (annaassiniarnissamut upalungaarsimasut) piumasaqaat taanna atuutsinngissinnaavaa.

10. Kalerrisaarutit.

- 10.1 Illuni sumiiffinniluunniit aarlerinartoqarnerani kalerrisaaruteqartuni, imm. 4.2 naapertorlugu ikuallattoornissamut qimarngussinissamullu ilitsersuutit kalerrisaarutit atorlugit inunntu kalerriisarneq pillugu paasissutissanik imaqaassapput. Illuni saaffiginnittarfeqartuni, pigaartoqarfeqartuni assigisaannilluunniit peqartuni passussinissamut ilitsersuutit inimi tassaniitinneqassapput.
- 10.2 Paaqqinnittarfinni aarlerinartoqarnerani kalerrisaarutinik, tunngaviusumik pigaartoqarfiup isersimaartarfiillu ataasiakkaat akornanni oqaloqatigiinnermut atortoqartunik peqartuni, kalerriisarneq imm. 4.2-mi taaneqartoq nipimik kalerrisaarummik atuiffiussaaq, taamatullu oqaluinnarluni ilitsersuisoqartassalluni.
- 10.3 Kalerrisaarutit ajoquteqartut paasineqarpat, ajoqutaat erngerlutik iluarsineqassapput.
- 10.4 Qamittaait (tassunga ilanngullugit ataatsimoortunut qamittaait) susassaqaanngitsunit passunneqassanngillat. Taamaattumik qamittaait matuersaaserlugit qamittaaitut suliarineqarsimassapput, imaluunniit sikaavimmut paarnaarsimasumut, siunertanut allanut atorneqaqqusaanngitsumut inissinneqarsimassallutik.

11. Innaallagisserisumit akuerisamit uppernarsaatit.

- 11.1 Innaallagisserisup akuerisaasup ukiut pingasukkaarlugit uppernarsaat kommunalbestyrelsimut (annaassiniarnermut upalungaarsimasumut) nassiuttassavaa,
- aqquutip qimaaffissiap qaammaqqutai atornissaminnut piareersimasut, tassungalu ilanngullugu aqqutit qimaaffissiat naqqini paatsiveeruttoqannginnissanut qaammaqqutit minnerpaamik 1 lux-imik sakkortussuseqartut,
 - kalerrisaarutit atorneqarnissaminnut piareersimasut, tassungalu ilanngullugu kalerrisaarutip nipaata piumasariqartutut sakkortussuseqarnissaa, aamma
 - ikuallattoornermi matut namminneerlutik matusaataat (ABDL-anlæg) atorsinnaasut.

Tamanna ininut katersuuttarfinnut, Kalaallit Nunaanni innaallagisserinermi oqartussaasut inini katersuuttarfinni, inunnit 150-it sinnerlugit atorneqarsinnaasuni innaallagissamut atortulersuutit misissorneqartarnerinut maleruagassiaanni aalajangersakkanut naapertuuttumik, innaallagissap isumannaassusaanut atuuttumik uppernarsaateqartunut atuutinngilaq.

12. Init unnuisarfiugallartut.

- 12.1 Suliffeqarfiit akunnittarfittut il.il. ilusiligaanngitsut kapitali 1 – 10-mi kiisalu kapitalimi matumani aalajangersakkat malinneqarpata, kommunalbestyrelsip pisunut tamanut immikkut akuersissuteqarneratigut ullut unnuallu qulit tikillugit unnuisarfiugallartutut atorneqarsinnaapput.
- 12.2 Ininit 75 m²-nik anginerusunit aqqutit silammut qimaaffissiat imminnut attuumannngitsut minnerpaamik marluussapput. Aniffissiat inip isuini akileriissillugit imaluunniit taakku eqqaannut inissinneqassapput.
- 12.3 Inini annerpaamik 75 m²-inik angissuseqartuni matup aniffissiap akiani aqqutit qimaaffissiat marluussapput, aniffissiamit qaninnermit minnerpaamik 25 m-inik ungasissuseqassallutik (silami nunamut imaluunniit majuartarfeqarfinnut matu). Inini taamaattuni ammanerit annaassiniarnermut atorneqartussat sinaat allit nunamiit 2 meterit sinnerlugit portussuseqassanngillat, aammalu init silammut matoqanngitsut annaassiniarnissamut upalungaarsimasut naliliinerat malillugu inunnik annaassiniarnissamut naleqquttunik ammanilerneqassapput, tassami inimi siniffissanut siullernut qulinut ammanermik annaassiniarnissamut atorneqartussamik taamaattumik peqartoqartussaammat.
- 12.4 Inini unnuisarfinni qimaaffissianik aqquteqartuni kommunalbestyrelsip (annaassiniarnissamut upalungaarsimasut) aalajangersagai sukumiisut malillugit qatserutinik tigummiartakkanik imaluunniit naqitsineq atorlugu imermik qatserutinik inissiisoqassaaq.
- 12.5 Inini pujortarnissamut inerteqquteqarnermut allagartanik ersarissunik nivinngaasoqassaaq, tak. imm. 3.3.
- 12.6 Init sinittarfiit immikkut putsumut kalerrisaarusorneqassapput.

- 12.7 Inini 75 m²-init annerusuni unnuisoqartarpat, atuinnermut pilersaarut kommunalbestyrelsimit (annaassiniarnermut upalungaarsimasunit) akuerineqartoq malillugu suliarineqassaaq, taamaalillunilu aqqutitut qimaaffissianut matut ammanerillu annaassiniarnermut atorneqartussat eqqaanni ilisaqartussaannngitsutut pisariaqartinneqartup siniffinnit, pequtinit, nassatanit il.il. asserneqannginnissaa qulakkeerneqassalluni.
- 12.8 Illuni inunnu 150-inut amerlanerusunulluunniit sinittarfittut ilusilerneqarsimasuni aalajangersimasumik eqqumasussamik pigaartuutitaqartoqassaaq, taannalu kommunalbestyrelsip (annaassiniarnissamat upalungaarsimasut) aalajangersagai ersarinnerusut malillugit angalaarluni misissuisassaaq. Pisuni allani isumannaallisaanermik naliliineq tunngavigalugu pisariaqartutut naliliiffigineqarpat, pigaartoqartarnermik pilersitsisoqarnissaanik kommunalbestyrelsi (annaassiniarnissamat upalungaarsimasut) piunasaqarsinnaavoq.

13. Akunnittarfiit il.il.

- 13.1 Akunnittarfinnut peqqussutini kapitali 1 – 10 atuupput, aammalu uku atuullutik:
- 13.2 Allagarsiussaq.
- 13.2.1 Sumiiffinni sulisunit angallavigineqartuni allagarsiisoqassaaq, peqqussutip naanerani assersuummi taaneqartunik imaqartumik.
- 13.2.2 Akunnittarfiit il.il. saaffiginnittarfiini assigisaanilu ersarissumik allagarsiisoqassaaq, tassanilu ikuallattoqalissagaluarpas sulisut tikeraallu qanoq iliuuseqarnissaat pillugu paasiuminartumik ilitersuisoqassaaq, tak. imm. 13.2.4.
Sulisunut allagarsiinissamat piunasaqaat ikuallattoornissamat qimarngussinissamullu ilitersuummi imm. 4.2-mi taaneqartumi naammassineqarsimassaaq.
Tikeraanut ilitersuut kalerrisaarinnermut nipi atorneqartussatut taaneqartoq atorlugu kalerrisaarisooqalernerani akunnittarfinnit qimagunnissamat peqqussumik ilaqassaaq, tak. 13.2.3. Tamatuma saniatigut pissutsit immikkut ittut, qimarngussinissamat pingaaruteqarsinnaasut eqqarsaatigineqarnissaat ilitersuummut ilaatinneqassapput.
- 13.2.3 Akunnittarfinni il.il. inini tikeraanut sinittarfinni tamani allagarsiisoqassaaq, minnerpaamik imaattunik imaqartunik:
”KALERRISAARIISOQARNERANUT QIMARNGUSSISOQARNERANULLU ILITSERSUUT
Takkunninni aqqutit qimaaffissiat inissisimaffii maluginiakkit. Inip qimannerani tamatigut matuersaat/korti nassartaruk.
Ikuallattoqarnerani:
1. Oqarasuaatikku imaluunniit ikuallattoqarnerani kalerrisaarut/aarlerisaarut toorlugu kalerrisaarigit.
2. Inimut matu matoqqatiguk. Ini najukkat qimassagukku matu matussavat.

3. Ikuallattoqarnerani kalerrisaarut/aarlerisaarut appippat ini najukkat qimassinnaagukku qimassavat. Pujog pissutigalugu torsuusat majuartarfiillu aqutigisinnaangikkukkit inimi najukkanniiginnassaatit matulu matoqqatiinnassallugu.

Kalerrisaarutip nipaa... (kalerrisaarutip nipaata suussusia – sianeq, oqarasuaat imaluunniit nipi alla - allanneqassaaq).

4. Elevatorit atoqqusaanngillat.”

Imm. 1-imi allassimasunut aammalu kalerrisaarutip suussusianut tunngatillugu allagarsiussaq najukkami pissutsinut naleqqussarneqassaaq.

Tamatuma saniatigut inini tikeraanut sinittarfinni tamani ininut quleriinnut titartakkamik nivinngaasoqassaaq, tassanilu init sinittarfiit torsuusanut, majuartarfinnut aamma/imaluunniit silami nunamut matunut naleqqiullugu inissisimaffii ersarissumik takutinneqassaaq. Aammattaaq imm. 13.2.4-mut innersuussisoqarpoq.

- 13.2.4 Imm. 13.2.2-mi aamma 13.2.3-mi allagarsiussassat taaneqartut kalaallisut, danskisut nunanilu allamiut oqaasii, akunnittarfinmi tikeraanit nalinginnaasumik atorqartartut atorlugit allassimassapput.

- 13.2.5 Akunnittarfinni il.il. inini quleriinni tamani init quleriit najorneqartut titartaganngorlugit takussutissiorneqassapput, tassani allassimassallutik
- torsuusat majuartarfiillu inissisimaffii,
 - qatserutit inissisimaffii,
 - gassip innaallagissallu qamittaataasa inissisimaffii, aamma
 - silaannarissaatit unitsittaataasa inissisimaffii.

Titartakkat majuartarfinnut silamilu nunamut matut eqqannguannut nivinngarneqassapput, pingaartumillu sulisunut annaassiniarnermullu upalungaarsimasunut atugassiaallutik.

- 13.2.6 Akunnittarfiup ingerlanneqarneranut naliliineq tunngavigalugu tamanna illersorneqarsinnaasutut naliliiffigineqarpat, allagarsiussassat imm. 13.2.2-mi, 13.2.3-mi aamma 13.2.5-imi taaneqartut ikkunneqannginnissaat kommunalbestyrelsip (annaassiniarnissamat upalungaarsimasut) akuerisinnaavaa.

14. Paaqqutarinnittarfiit.

- 14.1 Paaqqutarinnittarfinnut peqqussutini kapitali 1 – 11 atuupput, aammalu uku atuullutik:

14.2 Aqqutit qimaaffissiat.

- 14.2.1 Aqqutini qimaaffissiani matut ammartaataat kommunalbestyrelsi (annaassiniarnissamat upalungaarsimasut) akuersiteqqaarnagit ulamertunik plastikkiusunik assigisaannilluunniit asserneqassanngillat.

- 14.2.2 Ammanerit annaassiniarnermut atorqartussat aqqutinilu qimaaffissiani matut paarnaarneqarnissaat kommunalbestyrelsip (annaassiniarnissamat

upalungaarsimasut) akuerisinnaavaa, taamatut iliornissaq ikuallattoornissap saniatigut isumannaallisaanermi eqqarsaatigisassat allat tunngavigalugit pisariaqarpat. Tassanili piumasarineqarpoq,

- sinittarfeqarfiup aalajangersimasumik pigaartoqartarnissaa, tak. imm. 2.4,
- igalaat matullu paarnaarsimasut matuersaat assigisaaluunniit ataaseq atorlugu ammarneqarsinnaanissai, aamma
- sinittarfeqarfimmi sulisut tamarmik tamatigut matuersaammik assigisaanilluunniit taamaattumik tigummiaqartuarnissaat.

14.3 Aalajangersimasumik eqqumasumik pigaartoqartarnej.

14.3.1 Sinittarfeqarfimmi ikuallattoornermut kalerrisaarummik nammineerluni aallartittartumik, peqqussut 232, Dansk Brandteknisk Institut-imit (maanna Dansk Brand- og sikringsteknisk Institut-imit) saqqummersinneqartoq, kalerrisaarineramik annaassiniarnermut upalungaarsimasunut nuussisarnermut tunngasoq malillugu aalajangersimasumik eqqumasumik pigaartoqartussaavoq, tak. imm. 2.4.

15. Init katersuuttarfiit

15.1 Ininut katersuuttarfinnut peqqussutini kapitali 1 – 11 atuupput, aammalu uku atuullutik:

15.2 Nalinginnaasumik.

15.2.1 Imm. 3.1 naapertorlugu inuup ingerlatsineramik akisussaasuusup inunnik ininut katersuuttarfinnut amerlassusissatut akuerisat sinnerlugit isertitsisoqannginnissaa isumagissavaa.

15.3 Aqqutit qimaaffissiat.

15.3.1 Inuit ininut isersinnaatitaasut amerlanerpaaffissaat annerpaamik aqqutit qimaaffissiat silissusaannut tamarmiusunut aminnerpaaffianut uuttorlugu naleqqutissapput (taakkununnga matut ilanngullugit) taamaalillunilu aqqutip qimaaffissiap silissusia inummut ataatsimut 1 cm-iussaaq.

15.4 Inissap agguarnissaanut pilersaarut.

15.4.1 Inini katersuuttarfinni issiavinnut, nerrivinnut pequtinullu allanut – taakkununnga ilanngullugit isiginnaartunut assiaqutit – inissiiviit inissap agguarnissaanut pilersaarut, kommunalbestyrelsimit (annaassiniarnermut upalungaarsimasunit) akuerineqartoq malillugu ilusilerneqassapput. Inissap agguarnissaanut pilersaarut qaqortumik qernertumillu imaluunniit qalipaaterlugu titartarneqarsinnaavoq. Pilersaarut – pequtit inissiffissaasa saniatigut – silami nunamut aqqutinik qimaaffissianik tamanik takutitsiviussaaq (inimi torsuusat ilitsiviunngitsut ilanngullugit). Pequtinut inissiiviit assigiinngitsut atorneqarpata, inissiiviit tamarmik ataasiakkaarlutik inissamut agguarneqarnerannut pilersaarut akuerineqassaaq.

- Pilersaarut atuuttoq, kommunalbestyrelsip (annaassiniarnissamut upalungaarsimasut) akueralugu atsiugaa inimi katersuuttarfimmi taassumaluunniit eqqaani kikkunnilluunniit takuneqarsinnaasunnngorlugu nivinngarneqassaaq.
- Tassani aamma allagarsiussamik paasiuminartumik, inuit ininut isersinnaatitaasut amerlanerpaaffissaannik ersarissumik allassimasumik, kommunalbestyrelsimiit (annaassiniarnermut upalungaarsimasunit) atsiorneqarsimasumik nivingatitsisoqassaaq, tak. imm. 15.3.1, tamatumani tamanna inissap agguarneqarneranut pilersaarummi nivingatinneqartumi allassimariinngippat.
- 15.4.2 Ininik katersuuttarfimmi atuinermi, tamatigut imaluunniit ilaanneeriarluni pequtinik atuiffiuneq ajortumut, soorlu qititsitsinermut, eqaarsaarnermut il.il. allagarsiussamik paasiuminartumik, inuit ininut isersinnaatitaasut amerlanerpaaffissaannik ersarissumik allassimasumik, kommunalbestyrelsimiit (annaassiniarnermut upalungaarsimasunit) atsiorneqarsimasumik nivingatitsisoqassaaq, tak. imm. 15.3.1.
- 15.4.3 Issiaviit sanileriaat natermut aalajangerneqassapput imaluunniit ikinnerpaamik sisamannngorlugit eqimasunnngorlugit imminnut ikkunneqassallutik. Ikkunnerat qajannaatsuussaaq, taamaalilluni issiaviit ataatsimut inissisimanerat nikisinneqarsinnaassanani. Issiaviit sanileriaat akornanni ungasissusissaaq (issiaviup iigarfianiit iigarfianut uuttorlugu) minnerpaamik 80 cm-iussaaq, aammalu issiaviit ataasiakkaat silissusiat minnerpaamik 50 cm-iussaaq (imaluunniit issiaviit imminnut ikkunneqarsimasup issiaviup ataatsip qeqqaniit tulliaata qeqqanut minnerpaamik 50 cm-iussaaq).
- Issiaviit uiguleriit akornanni torsuusaliameerit minnerpaamik 1,3 m-inik silissusilimmiit inissat aqqaneq marlunnit amerlanerussanngillat, aammalu issiaviit takisuut issiaviillu imminnut ikkussuussat akornanni torsuusaliameerit minnerpaamik 2 m-inik silissusilimmiit aamma issiaviit natermut aalajangerneqarsimasut akornanni torsuusaliameerit 1,3 m-inik silissusilimmiit inissat 20-nit amerlanerussanngillat. Kiisalu torsuusaliameerit inummut, aniartornermini torsuusaliameerit aqquusaarsisussamut ataatsimut silissusissaaq 1 cm-iussaaq.
- Issiavinnik inissititerisarnerup inissanik agguaanermut pilersaarutit siornatigut akuerineqarsimasut malillugit ingerlaannarnissaa kommunalbestyrelsip (annaassiniarnissamut upalungaarsimasut) akuerisinnaavaat, tamanna Suliffeqarnermut Ministereqarfiup sullivinni aalajangersimasuni inissisiterisarneq pillugu nalunaarutaanut naapertuuppat.
- 15.4.4 Issiavinnik nerrivinnillu inissititerivinni minnerpaamik 1,3 m-inik silissusilinnik torsuusaliisoqassaaq, taakkulu inummut, inip katersuuttarfiup anisariaata tungaanut aniartornermini torsuusalinnik aqquusaarsisussamut ataatsimut 1 cm-inik silissuseqartinneqassapput.
- Issiavinnik nerrivinnillu inissititerisarnerup inissanik agguaanermut pilersaarutit siornatigut akuerineqarsimasut malillugit ingerlaannarnissaa kommunalbestyrelsip (annaassiniarnissamut upalungaarsimasut) akuerisinnaavaat, tamanna

Suliffeqarnermut Ministereqarfiup sullivinni aalajangersimasuni inissiterisarneq pillugu nalunaarutaanut naapertuuppat.

15.4.5 Issiaviit, nerriviit pequtillu allat torsuusaliat aqcutillu qimaaffissiat atorneqarnerinut akornutaanngitsumik inissiterneqassapput.

15.5 Ingerlatsinerneq nalunaarsuineq.

15.5.1 Imm. 3.1 naapertorlugu inuk ingerlatsinerneq akisussaasuusoq pissutsit imm. 15.5.2-mi taaneqartut misissorneqarnerinut tunngatillugu ingerlatsinerneq nalunaarsuinissamik isumaginnittuussaaq. Ingerlatsinerneq nalunaarsuiffimmi immikkoortut ataasiakkaat misissorneqarneri ingerlanneqarsimasut allassimassaaq. Inuup ingerlatsinerneq akisussaasuusup ingerlatsinerneq nalunaarsuiffimmi atsiornermigut, aammalu ullormik nalunaaquttamillu nalunaarsuinnermigut uppernarsassavaa, ininik qanorluunniit atuinissaq sioqquutitsiarlugu misissuineq naammassineqarsimasooq. Ingerlatsinerneq nalunaarsuiffik sivikinnerpaamik qaammatini pingasuni tigummineqassaaq, aammalu piunarsaqartoqarnera tunngavigalugu kommunalbestyrelsimut (annaassiniarnerneq upalungaarsimasunut) takutinneqassalluni. Inuit amerlassusissaat, atueriaaseq aammalu atuisut aqcutinik qimaaffissianik ilisimasaqarnerat eqqarsaatigalugu ingerlatsinerneq nalunaarsuiffiup suliarineqanngitsoorsinnaanera kommunalbestyrelsip (annaassiniarnissamut upalungaarsimasut) akuerisinnaavaa.

15.5.2 Ininik katersuuttarfinnik atuinissat tamaasa sioqqullugit misissorneqassaaq:

- aqcutit qimaaffissiat silissutsiminni tamarmiusuni ilisivigineqarsimannginnersut torernersullu,
- aqcutit qimaaffissiat qimaaffissap tungaanut matuersaatinik sakkunilluunniit immikkut ittunik atuinani aqqusaarneqarsinnaanersut,
- aqcutit qimaaffissiat matui qaammaqqutaallu imaluunniit taakku allagartaat ersarinnarsut,
- allagarsiussaq inuit amerlanerpaaffissaannik nalunaarsuiffiusooq ersarissumut nivinngarneqarsimanersooq,
- pequtit inissiternerini inissat agguarnerinut pilersaarut siunertamut akuerineqartoq malinneqarnerisooq, tassani ini pequtinik inissiteriffiunngitsumik atorneqanngippat,
- qatserutit misissorneqarsimanersut, tak. imm. 7.7.

15.5.3 Misissuinnermi imm. 15.5.1-imi taaneqartumi amigaatit paasineqartut tamarmik erngerlutik iluarsineqassapput.

15.6 Pequtit, kusassaatit aqqissuussinerillu immikkut ittut.

15.6.1 Ininik kusasaanermeq aammalu nuisitsivinnik il.il. sananermeq qallersuinnermullu atortut klasse K₁ 10 D-s2,d2-mit (qallersuinnerneq atortut klasse 2-t) ajornerusut, soorlu spånplade 9 mm, minnerpaamik 600 kg/m³-inik akulikissusilik, træfiberplade

- 9 mm, minnerpaamik 600 kg/m³-inik akulikissusilik imaluunniit krydsfinerplade 9 mm minnerpaamik 500 kg/m³-inik akulikissusilik atorpeqassanngillat.
- 15.6.2 Pequtini qallikkani EN 1021-1-imi ikummajassusissamut piumasaqaatit malinneqassapput.
- 15.6.3 Ininik immikkut ittunik kusassaaneq aammalu aaqqissuussinernik immikkut ittunik ingerlatsineq, soorlu basar-inik, saqqummersitsinernik assigisaannillu taamaallaat pisussani ataasiakkaani tamani kommunalbestyrelsimut (annaassiniarnermut upalungaarsimasunut) siumoortumik akuersissummik piniaqqaarnikkut pininnaavoq.
- 15.7 Isiginnaartitsiviit.
- 15.7.1 Isiginnaartitsiviit ikkussuussaagallartut.
- 15.7.1.1 Isiginnaartitsiviup naqqa 35 m²-nit annerussanngilaq, taamaattorli tak. imm. 15.7.2.6.
- 15.7.1.2 Isiginnaartitsivinni ikkussuussaagallartuni imm. 7.6 naapertorlugu imermik qatserutinik tigungmiartakkanik qatserutinillu tigungmiartakkanik allanik inissiisoqarnissaa kommunalbestyrelsip (annaassiniarnissamut upalungaarsimasut) piumasarisinnaavaa.
- 15.7.2 Isiginnaartitsivinnik aalaakaasunik ikkussuussaagallartunillu atuineq.
- 15.7.2.1 Isiginnaartitsinerni assigisaannillu aaqqissuussinerni, isiginnaartitsiviup tunulequtaanik pinnerasaasersuutinillu il.il. atuiffiusuni tamani, aaqqissuussinerup pinissaa kingusinnerpaamik ulluinnarnik pingasunik sioqqullugu kommunalbestyrelsimut (annaassiniarnermut upalungaarsimasunut) nalunaarutigineqartassaaq. Tamanna isiginnaartitsiviit portunersatut atorpeqarnerinut, soorlu oqalugiarnerni, aliikkusersuinerni assigisaannilu, aammalu isiginnaartitsiviup tunulequtaanik, pinnerasaasersuutinik il.il. atuiffiunngitsunut atuutinngilaq.
- 15.7.2.2 Tippit isiginnaartitsiviup saqqaatut, akunneratut tunuliaqutaatullu atorpeqartut minnerpaamik klasse D-s2,d2-mut naapertuutissapput (atortut klasse B-t).
- 15.7.2.3 Isiginnaartitsiviup tunulequtai, atortui immikkoortut, pinnerasaasersuutai il.il. imm. 15.7.2.2 malillugu sananeqassapput, imaluunniit uku atorlugit sananeqassallutik:
- a) atortut klasse D-s2,d2-mut naapertuuttumik pitsaassusillit (atortut klasse B-t), soorlu assersuutigalugu gipspladit, krydsfinerpladit, spånpladit, træfiberpladit manngersut assigisaallu, imaluunniit
- b) pappiaqqat, annoraamernit atortullu assigisaat ikummajasut, ikummarnaveequsersorneqarnerminni atortutut klasse D-s2,d2-mut naapertuuttumik pitsaassusilerneqartut (atortut klasse B-t).
- Atortut plastikkusut qappertartut imaluunniit allisartut, imaluunniit atortut allat, ikuallattoornermi taakkununnga assingutinneqarsinnaasut atoqqusaanngillat, tamatumani ikummartoornissamut sillimaniarnissamut iliuusissanik immikkut ittunik aalajangersaasoqarsimanngippat, soorlu qaavi tamakkerlugit marrarmik gipsimilluunniit 5 mm-inik issussusilimmik tissalutsitsivigalugit qalliinikkut.
- 15.7.2.4 Naneruutinik allatulluunniit innermik ammaannartumik atuisoqqaqusaanngilaq.

15.7.2.5 Isiginnaartitsiviup ataata imaqannginersaa ikuallajasunik ilioraavigineqassanngilaq eqqiarneqarsimassallunilu.

15.7.2.6 Ikuallattoornissaq eqqarsaatigalugu illersorsinnaasutut, aammalu tamanna Suliffeqarnermut Ministereqarfiup sullivinni aalajangersimasuni inissisiterisarneq pillugu nalunaarutaanut naapertuuppat aalajangersakkani imm. 15.7.1.1-ip aamma 15.7.2.2 – 15.7.2.4-ip saneqqunneqarsinnaanerat kommunalbestyrelsip (annaassiniarnissamat upalungaarsimasut) akuerisinnaavaa.

16. Ulluunerani paaqqinnittarfiit.

16.1 Ulluunerani paaqqinnittarfinnut peqqussutini kapitali 1 – 11 atuupput, aammalu uku atuullutik:

16.2 Torersaarnissamat maleruagassat.

16.2.1 Pinnguarterfinni il.il. atortunik skumplastimik sanaanik atuineq taamaallaat killeqartumik annertussusilimmik pisinnaavoq.

16.2.2 Pinneraanernik inissititerinernillu, ikuallattoorsinnaanermik annertuumik annertusititsisunik atuinissaq kommunalbestyrelsip (annaassiniarnissamat upalungaarsimasut) inerteqqutigisinnaavaa.

17. Pisiniarfiit.

17.1 Pisiniarfinnut peqqussutini kapitali 1 – 11 atuupput, aammalu uku atuullutik:

17.2 Torersaarnissamat maleruagassat aqqutillu qimaaffissiat.

17.2.1 Pequtinik nioqqutissanillu il.il. inissititerinermi inimi tuniniaaffiusumi aqqutit qimaaffissiat tamarmik minnerpaamik 1,3 m-inik silissusilimmik torsuusalerneqassapput. Kisiannili inini tuniniaaffiusuni, 1. februar 1977 sioqqullugu ilusilerneqarsimasuni torsuusaliaq imaqanngitsoq minnerpaamik 1,2 m-inik silissuseqassaaq.

Inini tunitsiviusuni, silammut qimaaffissianik imminnut atanngitsunik minnerpaamik marlunnik aqquteqartuni, aammalu aqqutit qimaaffissiat inimi inilluunniit eqqaani akileriissillugit inissinneqarsimasuni, inuit ininut isersinnaatitaasut amerlanerpaaffissaat annerpaamik aqqutit qimaaffissiat silissusaannut tamarmiusunut aminnerpaaffianut uuttorlugu naleqqutissapput (taakkununga matut ilanngullugit) taamaalillunilu aqqutip qimaaffissiap silissusia inummut ataatsimut 1 cm-iussaaq.

17.2.2 Karsit eqqaanni torsuusaliatigut aniffissat aqqutit qimaaffissiatut ilaatinneqanngillat, tamatumani kommunalbestyrelsi (annaassiniarnissamat upalungaarsimasut) iliusissanik, qimarngussinerup akornuteqanngitsumik ingerlanneqarsinnaanissaanut qulakkeerisunik immikkut ittumik akuersissuteqarsimangippat.

17.2.3 Init toqqorsiviit imaluunniit sullissiviit allat ininit tunitsiviusuniit aqqutit qimaaffissiatut ilaatinneqarpata, aqqutit qimaaffissiat inini taakkunani silissusaat

tamarmiusoq nalunaarsorneqassaaq (soorlu natikkut qalipaalluni ilitersuusiornikkut). Ersarissunik atasinnaasunillu allagarsiisoqassaaq, taakkunanilu aqputini qimaaffissiani qanorluunniit ittunik allagarsiinissaq inerteqqutigineqassaaq.

- 17.2.4 Pisuni ataasiakkaani tamani kommunalbestyrelsip (annaassiniarnissamat upalungaarsimasut) akuersitinneqarneratigut, aatsaat immikkut ittunik kusassaasersuisoqarsinnaavoq.
- 17.2.5 Pequtinik inissititerineq il.il. pequtinut pilersaarummut kommunalbestyrelsip (annaassiniarnissamat upalungaarsimasut) akuerisaanut naapertuutissasoq kommunalbestyrelsip (annaassiniarnissamat upalungaarsimasut) piumasarisinnaavaa. Pilersaarut pequtinik inissititerinissap saniatigut silami nunamat aqputinik qimaaffissianik tamanik (torsuusaliat imaqaanngitsut ilanngullugit) takutitsiviusaaq. Pilersaarut akuerineqartoq, kommunalbestyrelsip (annaassiniarnissamat upalungaarsimasut) akuersinermini atsiorsimasaa inimi tunitsiviusumi taassumaluunniit eqqaani tikikkuminartumut ersarissumullu nivinngarneqassaaq.

18. Init ilinniartitsiviit.

- 18.1 Ininut ilinniartitsivinnut peqqussutini kapitali 1 – 11 atuupput, aammalu uku atuullutik:
- 18.2 Ikuallattoornissamat qimarngussinissamullu ilitersuut imm. 4.2-mi taaneqartoq inimi atuisunit takuneqarsinnaasunngorlugu nivinngarneqassaaq.

Assersuut:

”IKUALLATTOORNISSAMIK PINAVEERSAARTITSINEQ

Innermik ikumatitsinermi mianersorit.

Naneruutit pinneraatillu ikumasut ikuallassinnaanngitsumik uppissinnaajunnaarlugillu allequtserlugit, aammalu saagunut ikuallassinnaasunullu allanut ungasillillugit inissinneqassapput. Naneruutit ikumasut nakkutigineqassapput.

Pujortarfissatut innersuunneqartuni taamaallaat pujortartoqarsinnaavoq.

Tupatornermit igitassat ikuallassinnaanngitsumut matulimmut poorneqassapput. Puussat taakku taamaallaat siunertamat tassunga atorneqassapput.

Eqqakkat puui assigisaallu ullut tamaasa piaarneqartassapput, aammalu eqqaaviimmut immikkut ittumut containerimulluunniit iginneqartassallutik.

Nerriviup qalii, allarutissiat assigisaallu piiarneqarnerminni tamatigut pujortakkat il.il. aamaanik peqarnersut misissorneqartassapput, aammalu ikuallattoqarsimassappat inneq siaruarsinnaajunnaarlugu inissinneqassallutik.

Maskiinat kaffiliuutit, manissaatit atortullu innaallagiamoortut assingusut atorneqareernerminni tamatigut innaallagissamut ikkuffikkut qaminneqartassapput.

Annoraamernit uuliamut il.il. atorneqartut namminneerlutik ikummarsinnaapput, aammalu atorneqareernerminni ikuallassinnaanngitsunut poorneqassallutik.

Imerpalasut ikuallajasut (soorlu benziina, petroliu, acetone aamma sprit) atorneqarnerminni mianersuunneqassapput, aammalu matusartunik pooqartinneqassallutik.

Matut namminneerlutik matusartut aatsaat ikuallattoornermi namminneerlutik matusinnaappata ammatinneqarsinnaapput.

Aqqutinut qimaaffissianut matut asserneqassanngillat, aammalu aqqutinut qimaaffissianut majuartarfinnullu pigisanik ilisanilluunniit inissiisoqassanngilaq.

Qamutit oqorutit qaliinik imallit, eqqiaanermut qamutit assigisaallu aqqutinut qimaaffissianut inissinneqaqqusaanngillat.

Qatserutit tigorianaanngorlugit inissinneqassapput.”

Allagarsiussap imaa najukkami pissutsinut naleqqussarneqassaaq.